

4. gr.

Menntamálaráðherra skipar *Tónlist fyrir alla* sjö manna stjórn. Einn skal tilnefndur af Félagi íslenskra hljómlistarmanna og Félagi íslenskra tónlistarmanna í sameiningu, einn af Sinfóníuhljómsveit Íslands, einn af Tónmenntakennarafélagi Íslands og tveir af Sambandi íslenskra sveitarfélaga. Ráðherra skipar tvo stjórnarmenn án tilnefningar og skal annar vera formaður. Varamenn skulu skipaðir á sama hátt. Stjórnina skal skipa til þriggja ára í senn. Menntamálaráðherra ákveður þóknun stjórnarmanna.

5. gr.

Stjórnin gerir framkvæmda- og fjárhagsáætlun fyrir hvert starfsár og tekur ákvörðun um tónleikahald. Stjórnin skal gera tillögur til menntamálaráðuneytisins vegna undirbúnings fjárlaga hverju sinni.

6. gr.

Stjórninni er heimilt, með samþykki menntamálaráðuneytisins, að reka skrifstofu og ráða starfsfólk eftir því sem fjárráð leyfa til þess að vinna að verkefnum *Tónlistar fyrir alla*, gera samning við verktaka, reka skrifstofu í samvinnu við aðra eða semja við félaga-samtök sem aðild eiga að *Tónlist fyrir alla* að annast verkefni þess.

Heimilt er stjórninni að semja við bankastofnun um að annast vörslu tekna *Tónlistar fyrir alla* og fjárreiður þess. Endurskoðaðir reikningar skulu árlega sendast ráðuneytinu.

7. gr.

Reglur þessar öðlast þegar gildi.

Menntamálaráðuneytinu, 11. febrúar 2002.

Björn Bjarnason.

Guðríður Sigurðardóttir.

AUGLÝSING

frá ríkisskattstjóra nr. 8/2002 um skattmat 2002.

Tekjur af landbúnaði og bústofn til eignar.

Ríkisskattstjóri hefur sett eftirfarandi reglur um mat á tekjum af landbúnaði og um mat á búpeningi til eignar vegna tekna á árinu 2002 og eigna í lok þess, sbr. 116. gr. og 2. tl. 74. gr. laga nr. 75/1981 um tekjuskatt og eignarskatt og ákvæði í B-lið 17. gr. reglugerðar nr. 245/1963 um tekjuskatt og eignarskatt. Um er að ræða mat á tekjum í rekstri, hvort sem um er að ræða einstaklingsrekstur eða rekstur lögaðila.

Heimanot búsafurða og aðra endurgjaldslausa afhendingu þeirra til eigenda, starfsmanna og skylduliðs þeirra skal telja til rekstrartekna á landbúnaðarskýrslu og rekstrarreikningi. Tekur það m.a. til búfjárafurða, jarðargróða, afraksturs af hvers konar hlunnindum, afurða gróðurstöðva, fuglabúa o.s.frv. og sjávarafla og afla eldisstöðva. Séu afurðir afhentar til heimanota ekki tilgreindar hér á eftir skal meta þær á sama verði og fyrir þær fæst við sölu til óskylds aðila. Séu afurðir þessar afhentar á lægra verði en í skattmatinu greinir skal mismunur á því verði og matsverðinu talinn til rekstrartekna.

Skattmat á heimaafnotum búsafurða o.fl. vegna tekjuársins 2002 er sem hér segir:

<i>Tegund búsafurða</i>	<i>Skattmat kr.</i>
Mjólk	40 pr. ltr.
Egg	200 pr. kg.
Kartöflur	55 pr. kg.
Rófur	95 pr. kg.
Lambakjöt	300 pr. kg.
Kjöt af veturgömlu fé	200 pr. kg.
Annað kjöt af sauðfé	100 pr. kg.
Ungnautakjöt	300 pr. kg.
Annað kjöt af nautgripum	200 pr. kg.
Folaldakjöt	170 pr. kg.
Annað kjöt af hrossum	100 pr. kg.
Grísakjöt	220 pr. kg.
Annað svínakjöt	130 pr. kg.
Kalkúnar, endur og gæsir	400 pr. kg.
Annað fuglakjöt	300 pr. kg.
Fiskur	200 pr. kg.

Eignamat í árslok.

Bústofn í ársbyrjun og árslok skal færa á bústofnsskýrslu ársins 2002 og meta til eignarskatts í lok þess árs sem hér segir:

<i>Tegund bústofns</i>	<i>Eignamat kr.</i>
Mjólkurkúr	75.000
Holdakúr og naut	58.000
Kvígur, 1½ árs og eldri	47.000
Geldneyti	31.000
Kálfar, yngri en ½ árs	9.000
Ær og sauðir	5.200
Hrútar	8.500
Gemlingar	4.700
Hross á 14. vetri og eldri	15.000
Hross á 5. – 13. vetri	30.000
Fulltamin reiðhross (á 5. – 13. vetri)	110.000
Önnur reiðhross (á 5. – 13. vetri)	55.000
Verðlaunahross (á 5. – 13. vetri)	150.000
Kynbótahestar á 5. – 13. vetri	220.000
Verðlaunaðir kynbótahestar á 5. – 13. vetri	320.000
Tryppi á 2. – 4. vetri	10.000
Fölöld	7.000
Hænsni, eldri en 6 mánaða	650
Varphænsni yngri en 6 mánaða	400
Kjúklingar	160
Endur	680
Gæsir	1.200
Kalkúnar	1.700
Gyltur	16.000
Geltir	25.000
Grísir	5.000

<i>Tegund bústofns</i>	<i>Eignamat kr.</i>
Kanínur	2.300
Minkar: Karldýr	3.700
Kvendýr	2.100
Hvolpar	0
Refir: Karldýr og kvendýr	7.900
Hvolpar	0
Önnur ótilgreind dýr nýtt í rekstri	3.200

Reykjavík, 12. febrúar 2002.

Indriði H. Þorláksson ríkisskattstjóri.

AUGLÝSING

um breytingu á auglýsingu nr. 945/2001 um flokkun vöru og þjónustu vegna vörumerkja.

Með auglýsingu nr. 945/2001 um flokkun vöru og þjónustu vegna vörumerkja var skrá um flokkun vöru og þjónustu auglýst með tilteknum breytingum til samræmis við 8. útgáfu alþjóðlegu vöruskrárinnar um flokkun vöru og þjónustu við skráningu vörumerkja samkvæmt Nice-samningnum frá 15. júní 1957. Breytingar þær sem auglýstar voru samkvæmt fyrrgreindri auglýsingu vörðuðu uppskiptingu á flokki 42 í flokka 42-45 þannig að nýjum þjónustuflokkum var bætt við, þ.e. flokkum 43, 44 og 45.

Auk þeirra breytinga, sem þar voru auglýstar á skránni um flokkun vöru og þjónustu, voru eftirfarandi breytingar einnig gerðar á einstökum öðrum flokkum skrárinnar skv. 8. útgáfu alþjóðlegu vöruskrárinnar um flokkun vöru og þjónustu við skráningu vörumerkja:

Flokkur 4. Í stað tilgreiningarinnar „kerti, kveikir.“ kemur tilgreiningin „kerti og kveikir til lýsingar.“.

Flokkur 5. Í stað tilgreiningarinnar „Efnablöndur til lyfja-, dýralækninga og hreinlætisnota;“ kemur tilgreiningin „Efnablöndur til lyfja- og dýralækninga; efnablöndur til hreinlætisnota í læknisfræðilegum tilgangi;“.

Flokkur 9. Orðið „raftækni“ er felld út. Á eftir annarri semikommu er bætt við tilgreiningunni „búnaður og tæki til að leiða, kveikja og slökkva á, breyta, safna, stilla eða stjórna rafmagni;“.

Flokkur 16. Tilgreiningin „spil“ er felld út.

Flokkur 29. Í stað tilgreiningarinnar „ávaxtahlaup, -sultur og -sósar“ kemur tilgreiningin „ávaxtahlaup, -sultur og -grautar“.

Auk framangreindra breytinga, sem helgast af breytingum skv. 8. útgáfu alþjóðlegu vöruskrárinnar, þykir rétt að gera eftirfarandi leiðréttingar:

Flokkur 2. Tilgreiningin „mordants“ skv. ensku útgáfu alþjóðlegu vöruskrárinnar hefur verið þýdd sem bæs en réttara þykir að þýða hana sem litfesti.

Flokkur 9. Tilgreiningin „magnetic data carriers“ samkvæmt ensku útgáfu alþjóðlegu vöruskrárinnar hefur verið þýdd sem segulupptökutæki en réttara þykir að þýða hana sem segulagnabera.

Í umsókn um skráningu vörumerkis skal flokka og tilgreina vörur og þjónustu, sem óskað er skráningar fyrir, í samræmi við skrána um flokkun vöru og þjónustu sem birt er sem fylgiskjal með auglýsingu þessari, sbr. einnig 16. gr. laga nr. 45/1997 um vörumerki,